

Broj: 05-2256-9-2/22
Sarajevo, 13.09.2022. godine

Na osnovu člana 23. stav (1) tačka r) Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačke n) i t) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14), a na osnovu preporuke Komisije za nabavke iz Zapisnika o pregledu i ocjeni ponuda broj: 05-2256-8-2/22 od 12.09.2022. godine, direktor Agencije za bankarstvo Federacije BiH donosi

ODLUKU
o izboru najpovoljnijeg ponuđača u postupku nabavke usluga – Lot 2
Usluge fiksne IP telefonije za lokaciju Mostar

I

Prihvata se preporuka Komisije za provođenje postupka javne nabavke usluga iz Zapisnika o pregledu i ocjeni ponuda, broj: 05-2256-8-2/22 od 12.09.2022. godine i okvirni sporazum na period od dvije godine za nabavku usluga fiksne IP telefonije za lokaciju Mostar za potrebe Agencije za bankarstvo Federacije BiH dodjeljuje se ponuđaču „JP Hrvatske telekomunikacije“ d.d. Mostar.

II

Ukupna vrijednost okvirnog sporazuma iz tačke I. ove odluke, bez uračunatog poreza na dodanu vrijednost (PDV) iznosi 20.000,00 KM, što sa uračunatim PDV-om iznosi 23.400,00 KM.

III

Po sticanju uslova, ugovorni organ će s izabranim ponuđačem zaključiti okvirni sporazum na dvije godine, kojim će regulisati međusobna prava i obaveze.

IV

Ova Odluka bit će objavljena na internetskoj stranici Agencije za bankarstvo Federacije BiH www.fba.ba, istovremeno sa upućivanjem iste ponuđaču koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

V

Za izvršenje ove odluke zadužuje se Odjel za opće i kadrovske poslove pri Sektoru zajedničkih funkcija.

VI

Ova Odluka stupa na snagu danom donošenja.

O b r a z l o ž e n j e

Odlukom o pokretanju postupka javne nabavke usluga broj: 05-2256/22 od 31.05.2022. godine, odobreno je provođenje postupka javne nabavke usluga fiksne IP telefonije i usluga mobilne telefonije za potrebe Agencije za bankarstvo Federacije BiH na period od dvije godine. Javna nabavka provedena je putem otvorenog postupka podijeljenog u tri Lot-a, a kao kriterij za dodjelu okvirnog sporazuma odabrana je najniža cijena prihvatljive ponude. U skladu sa članom 35. Zakona o javnim nabavkama, Obavještenje o nabavci broj: 3010-1-2-164-3-35/22 objavljeno je na Portalu javnih nabavki dana 22.06.2022. godine.

Posebnim Rješenjem ugovornog organa broj: 05-2256-2/22 od 15.07.2022. godine imenovana je Komisija za javne nabavke, kojim su definirane njene nadležnosti, koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Komisija je u okviru svojih nadležnosti i ovlaštenja provela predmetni postupak nabavke, te o tome sačinila Zapisnik o pregledu i ocjeni ponuda broj: 05-2256-8-2/22 od 12.09.2022. godine u kojem je konstatovano da je po predmetnom postupku nabavke za Lot 2 - Nabavka usluga fiksne IP telefonije za lokaciju Mostar blagovremeno dostavljena 1 (jedna) ponuda.

Na osnovu izvršene analize i ocjene dostavljene ponude u pogledu kvalifikacijskih i cjenovnih uslova javne nabavke, Komisija je utvrdila da je ponuda ponuđača „JP Hrvatske telekomunikacije“ d.d. Mostar kvalifikovana i prihvatljiva, te da su dostavljeni svi traženi dokazi propisani tenderskom dokumentacijom i na propisan način.

Slijedom navedenog, Komisija je predložila da se donese Odluka o izboru najpovoljnijeg ponuđača kojom se okvirni sporazum za Lot 2 – Usluge fiksne IP telefonije za lokaciju Mostar na period od dvije godine dodijeli ponuđaču „JP Hrvatske telekomunikacije“ d.d. Mostar na ukupnu procijenjenu vrijednost Lot-a 2 predviđenu tenderskom dokumentacijom.

U postupku donošenja ove odluke posebno su cijenjene činjenice da je Komisija, pravilno i potpuno, izvršila ocjenu kvalifikovanosti navedenih ponuđača te pregled i ocjenu ponuda, u skladu s kriterijima iz tenderske dokumentacije.

U postupku ocjene provedenog postupka, ocijenjeno je da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Uvidom u priloženu dokumentaciju vidljivo je da je izabrani ponuđač najbolje ocijenjen na osnovu zadanih kvalifikacijskih i cjenovnih uslova javne nabavke, pa je Komisija dala preporuku da se istom, saglasno članu 69. stav (1) tačka a) Zakona o javnim nabavkama, dodijeli okvirni sporazum na dvije godine u predmetnom postupku javne nabavke usluga za Lot 2.

Uvažavajući sve navedeno, primjenom člana 64. stav (1) tačka b), člana 70. stavovi (1), (3) i (6) Zakona o javnim nabavkama i člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove odluke, saglasno članovima 97. i 101. Zakona o javnim nabavkama.



Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.


DIREKTOR
Jasmin Mahmuzić

Dostaviti:

- učesnicima u postupku;
- Sektoru zajedničkih funkcija;
- a.a.



Zmaja od Bosne 47b,
71000 Sarajevo,
Bosna i Hercegovina



++ 387 (33) 72 14 00
++ 387 (33) 66 88 11



agencija@fba.ba
www.fba.ba

